

光化縣志卷之四

祀典

文廟丁祭

大清通禮載府州縣以長官為正獻其貳及所屬兩序分獻宗聖祠皆教諭正獻前後兩廡皆

食餼學弟子員各一人分獻

每歲春秋仲月上丁日致祭主祭官陪祭官執事官人等齋戒前一日午刻設香案各官補服詣省牲所視牲宰牲盛毛血少許於盤詣明倫堂觀樂習儀及期五鼓各官服朝服齊集贊禮生導引至階下立遍燃庭燎典儀唱樂舞生就位執事者各司其事主祭官就位分獻官陪祭官各

光化縣志

卷四

祀典

一

就位瘞毛血啟戶迎神舞生執羽籥迎神麾生舉麾擊祝

樂奏昭平之章樂作

舞無

禮生贊各官皆行三跪九叩首禮

麾生偃麾櫟敵樂止禮生唱奠帛行初獻禮樂奏宣平之

章

有舞

禮生導主祭官詣盥洗所唱盥洗詣酒罇所唱司尊

者舉冪酌酒由東階上進

殿左門贊詣

至聖先師孔子位前贊跪行獻帛禮捧帛者跪進帛主祭官上獻司帛跪接贊初獻爵執爵者跪進爵主祭官進獻授執爵跪接畢贊叩興導引詣讀祝位贊跪各官皆跪讀祝官

至祝位前捧祝版跪案左樂止讀祝文畢捧安案上帛匣  
樂作贊各官皆行三叩首禮興贊詣

復聖顏子位前

宗聖曾子位前

述聖子思子位前

亞聖孟子位前行初獻帛初獻爵禮皆一跪一叩如前儀  
其十哲兩廡分獻官俱照前儀禮生各導引復位樂止典  
儀唱行亞獻禮樂奏秩平之章有舞禮生引進殿詣正案行  
亞獻禮一跪一叩興四配位皆如前儀分獻官亦如前儀

光化縣志

卷四

祀典

二

各復位樂止典儀唱行三獻禮樂奏叙平之章有舞禮生引  
進殿行三獻爵禮一跪一叩分獻官俱如前儀各復位樂  
止典儀唱行飲福受祚禮禮生引主祭官詣飲福受祚位  
跪贊飲福酒訖贊受福祚訖贊三叩首興引復位典儀唱  
徹饌樂奏懿平之章無舞徹訖樂止典儀唱送神樂奏德平  
之章無舞禮生贊各官俱行三跪九叩首禮興樂止典儀生  
唱捧帛者捧帛捧祝者捧祝各詣燎所樂作與送神同贊各官  
望燎焚化訖贊復位禮畢退

樂章

春秋祭南呂爲宮仲呂起調  
祭夾鐘爲宮倍應鐘起調

順治十三年頒國子監文廟大成樂章康熙八年改章名  
和爲平稱中和韶樂五十二年改造樂器審定黃鐘之度  
五十五年奏准平字樂章通行贊唱雍正二年令闕里司  
樂選工付太常演習訂正轉相傳授達於直省各學乾隆  
八年照康熙間准用平字撰樂譜十二章頒於各學有成  
平寧平安平景平等章名道光四年頒行大清通禮樂章  
改名

迎神奏昭平之章無舞

大哉孔子 先覺先知 與天地參 萬世之師 祥徵

光化縣志

卷四

祀典

三

麟紘 韻答金絲 日月旣揭 乾坤清夷

初獻奏宣平之章有舞

予懷明德 玉振金聲 生民未有 展也大成 俎豆

千古 春秋上丁 清酒旣載 其香始升

亞獻奏秩平之章有舞

式禮莫愆 升堂再獻 響協鼗鏞 誠孚壘甌 肅肅

雍雍 譽髦斯彥 禮陶樂淑 相觀而善

終獻奏叙平之章

自古在昔 先民有作 皮弁祭菜 於論思樂 惟天

牖民 惟聖時若 彝倫攸叙 至今木鐸

徹饌奏懿平之章舞無

先師有言 祭則受福 四海巽宮 疇敢不肅 禮成

徹告 無疏無瀆 樂所自生 中原有菽

送神奏德平之章舞無

鳧繹峩峩 洙泗洋洋 景行行止 流澤無疆 聿昭

祀事 祀事孔明 化我蒸民 育我膠庠

禮器

俎承牲 篚承帛 版書祝文 祝座置祝文 爵 筓俱裸獻器 沙茅池酒縮

光化縣志

卷四 祀典

四

器 太尊 犧尊 象尊 山尊 雷尊 著尊 壺樽

彝俱盛酒器 勺斟酒器 坩置爵器 登 鉶 簠 簋 籩 豆俱盛

食品器 燔爐炷脂者 燭檠 庭燎燃者 罍 洗滌濯者 盥案 几

用以度祭器

樂器

編鐘 鏞金以上屬 編磬石以上屬 琴 瑟絲以上屬 排簫 洞簫 笛

管竹以上屬 笙匏屬 壎土屬 鼗鼓 楹鼓 足鼓 搏拊 相

鼓 鼗鼓 提鼓革以上屬 柷 敔 拍板木以上屬 引樂器 麾

一面 引舞器 節一對

舞器

籥 翟

舞譜

初獻

自舞稍前向外間籥生蹈向裏間籥舞民合手蹲朝上

來舉起籥辭身面朝向外高誰西兩相相對蹲東底合手蹲朝上

其正揖盛立起平身出左手惟上兩東兩西相對自下而

師翟稍前舞舉籥垂神二中人轉身俱東西相向立惟兩中班十

明舉翟三合籥度舞稍前向外垂手越蹈向裏垂手舞

光化縣志

卷四 祀典

前步向雙前手合手謙進聖向回上身再謙退步側身向外高手回面

粢正蹲朝上帛面稍朝舞上躬身挽手側身向外呈籥耳邊

具正揖成舉起籥辭身立挽手復禮兩俱兩東西對手執籥兩

容正揖斯籥向外退挽手舉稱回身正立

黍稍前舞稷左右側身非下左右俱雙垂手兩東西上

相向馨起合手相向立惟左右開籥側垂手舞手向

神左側垂身垂手向之正揖朝上聽上躬而籥受面之受躬之身三朝

鼓畢揖退

亞獻

大左右進步向外哉右向裏垂手舞聖向外落籥面朝上

師退向正身立實正蹲天起身向前轉身外

生向裏舞德令手謙進步向前雙手令籥存謙

作籥兩東西相對自下而上兩班相對舉樂上中下俱垂手二人俱

垂手轉身東西相向以立轉身東西相向崇相向立兩班上卜

時稍前舞蹈兩班上下俱垂手向外祀向裏垂手舞

無前合垂手謙進步向斲回身再謙兩班上下東西相向合籥

清籥稍翟前舞向外開酤向裏舞惟雙手平執籥翟開

馨合籥翟朝上正嘉側身垂左手兩班則垂手向外舞

光化縣志

卷四 祀典

牲躬身正捐孔身雙手舞翟躬碩躬而受之躬一鼓朝

而起薦叩頭舉右手羞舉左手叩頭

神復舉右手叩頭明躬拜身一鼓畢即身起庶躬三舞蹈舉籥向左

幾舉籥向右躬身昭身舉籥復向左躬格拱籥躬身而受之

三獻

百向外開籥舞王向裏開籥舞宗側身向外面朝上

師朝上正位生兩班上交籥下兩兩民合手朝上正蹲

物側身向裏落籥軌合籥朝上正立瞻向外開籥舞

之向裏開籥舞洋開籥朝上正立洋令籥

神向外開籥舞 其向裏開籥舞 甯籥進步向前雙手合

止回身東西相向手謙 酌向外開籥舞 彼向裏開籥舞

金開籥朝上正立 壘合籥朝上正立 惟向外垂手舞

清向裏垂手舞 且朝上正揖 旨躬身而受之

登躬身向左合手舞 獻躬身向右合籥舞 惟躬身復向左右籥

三合籥朝上拜一鼓便起身 於側身向外垂手舞 嘻側身向裏垂手舞

成朝上正揖 禮躬身朝南受之三鼓畢起身

祭品

形鹽 藁魚 棗 栗 榛 麥 芡

光化縣志 卷四祀典 七

鹿脯 白餅 黑餅 糗餌 粉餐以上籩實

韭菹 菁菹 芹菹 笋菹 鹿醢 醢醢

兔醢 魚醢 豚胎 脾 肝 鮑食

糝食以上豆實 黍 稷以上籩實 稻 粱以上

豆實 太羹登實 菜羹鉶實

崇聖祠同時致祭禮生引承祭官入祠分獻弟子員隨入詣階  
下盥手贊司事者各司其事就位迎神上香引承祭官詣

肇聖王各位前贊跪行一叩禮興上炷香三瓣香三復位禮生  
引分獻弟子員分詣東西配從位前跪上香如前儀復位

通贊跪興行三跪九叩禮贊奠帛爵引詣正案前贊跪一叩首司帛奉筐承祭官受筐拱舉司爵奉爵承祭官受爵拱舉興引就讀祝位跪通贊皆跪司祝讀祝文畢奉祝版仍安筐內三叩興復位禮生引分獻各員分詣配從位前奠帛爵如前儀引復位贊行亞獻終獻均如前儀贊徹饌送神行三跪九叩首禮興贊奉祝帛送燎承祭官避立西旁俟過復位禮生引詣燎所望燎焚化復位禮畢退  
乾隆九年部頒祭文

崇聖祠祭文

光化縣志

卷四

祀典

八

維年月日某官某致祭於

肇聖王

裕聖王

詒聖王

昌聖王

啟聖王曰維

王奕葉鍾祥光開聖緒盛德之後積久彌昌凡聲教所覃敷率

循源而溯本宜肅明禋之典用伸守土之忱茲屆仲春秋□

修祀事配以



先賢顏氏 先賢曾氏 先賢孔氏 先賢孟氏

尙饗

大成殿祭文

維年月日某官某致祭於

至聖先師孔子曰維

先師德隆千古道冠百王揭日月以常行自生民所未有屬文

教昌明之會正禮和樂節之時辟雍鐘鼓咸恪薦於馨香

泮水膠庠益致肅於籩豆茲當仲春秋祇率彝章肅展微忱

聿將祀典以

光化縣志

卷四

祀典

九

復聖顏子 宗聖曾子 述聖子思子 亞聖孟子配

尙饗

武廟每年春秋二仲及五月十三日長官率文武僚屬朝服致

祭祀以太牢雍正五年追封

曾祖爲光昭公祖爲裕昌公父爲成忠公設木主於後殿同日

致祭咸豐五年加封王爵一切典禮均同文廟同治七年

正殿添祭品十六色後殿添少牢一副

前殿祭文

維年月日某官某致祭於

關聖帝君曰維

神星日英靈乾坤正氣允文允武紹聖學於千秋至大至剛顯  
神威於六合仰聲靈之赫濯崇典禮於馨香茲當仲春用秋

昭時饗惟祈

昭格克鑒精虔尙饗

五月十三日祭文

維

神九宇承庥兩儀合撰崧生嶽降溯誕聖之靈辰日午天中居  
恢台之令序聰明正直壹者也千秋徵肸饗之風盛德大

光化縣志

卷四 祀典

十

業至矣哉六幕肅馨香之薦爰備懋典式展明禋苾芬時  
陳精誠

鑒格尙 饗

後殿祭文

維年月日某官某致祭於

關聖之

曾祖光昭王

祖裕昌王

父成忠王曰惟

王世澤覃庥令儀裕後靈鍾河嶽篤生神武之英誠溯淵源宜切尊崇之報班爵操躬桓而上升香肅俎豆之陳茲當仲

春秋爰修祀事尙祈

昭鑒式此苾芬尙饗

五月十三日祭文

維

王迪德承家累仁昌後崧生嶽降誠毓聖之有基本本水源宜推恩之及遠封爵特超乎五等馨香永薦於千秋際仲夏之屆時命有司而將事惟祈

光化縣志

卷四

祀典

十一

昭格鑒此精虔尙饗

文昌宮咸豐七年奏准

文昌帝君升入中祀春秋二吉俱著卜吉舉行祭禮二月初

三日

聖誕卽照

關帝聖誕儀節

祭文

維

神道闡苞符性敦孝友並行並育德侔天地以同流乃聖乃

神教並日星而大顯仰鑒觀之有赫示明德之維新茲當

仲春秋用昭時饗惟祈

歆格克鑒精誠尙饗

二月初三日祭文

維

神功參橐籥撰合乾坤溯誕降之靈辰三台紀瑞度中和之  
令節九宇承暉如日月之常有光明爛大文於孝友如天  
地之無不覆載感至治於馨香爰舉上儀敬陳芳薦精禋  
罔斃

光化縣志

卷四

祀典

十二

神鑒式臨尙饗

祭後殿

儀注與祭

關帝先代同

祭文

維

文昌帝君道備中和神超亭毒稟詒謀而永紹欣毓聖之有  
基雲漢昭回際嶽降崧生之會馨香感格興永源木本之  
思式昭明禋用光彝典尙祈

神鑒享此清芬尙 饗

社稷壇每歲春秋仲月上戊日長官具朝服行禮

祭文

維年月日某官某致祭於

社稷之神曰維

神奠安九土粒食萬邦分五色以表封圻育三農而蕃稼穡

某承守土肅展明禋時屆仲春秋敬修祀典庶丸丸松柏鞏

磐石於無疆翼翼黍苗佐

神倉於不匱尙 饗

光化縣志

卷四

祀典

十三

神祇壇每歲春秋仲月長官具朝服行禮以風雲雷雨神位

居中境內山川神位居左本縣城隍神位居右

祭文

維年月日某官某致祭於

風雲雷雨

山川

城隍之神曰維

神贊襄天澤福佑蒼黎佐靈化以流形生成永賴乘氣機而

鼓盪溫肅攸宜磅礴高深長保安貞之吉憑依鞏固實資

捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣尙  
饗

先農壇每歲耕籍之日主祭官率所屬朝服致祭

祭文

維年月日某官某致祭於

先農之神曰維

神肇興稼穡粒我蒸民頌思文之德克配彼天念率育之功

陳常時夏茲當東作咸服先疇洪惟

光化縣志

卷四

祀典

十四

九五之尊歲舉三推之典某恭膺守土敢忘勞民謹奉彝章聿

修祀事惟願五風十雨嘉祥恒沐夫

神庥庶幾九穗雙歧上瑞頻書於大有尙 饗

禮畢俱更蟒袍補服長官秉耒佐貳執箱播種耕時用耜

老一人牽牛農夫二人扶犁九推九返農夫終畝

農具用赤色牛

用黑色箱青色 耕畢各官望

闕行謝 恩禮

常雩不別爲壇每歲四月十八日於神祇壇行禮並合祀神

祇壇諸神牌位

祭壇歲旱祭雩祈雨澇則祭城門祈晴

雩祭文

維年月日某官某致祭於

社

稷

先農

山川之神曰恭膺

詔命撫育羣黎仰體

彤庭保赤之誠勤農勸稼俯維蔀屋資生之本力穡服田令

光化縣志

卷四

祀典

十五

甲爰頒肅舉祈年之典惟寅將事用申守土之忱黍稷惟馨尙冀明昭之受賜來牟率育庶俾豐裕於蓋藏尙饗

祭文

維年月日某官某致祭於

城門之神曰

詔命臨民職司守土惟兆人之攸賴並藉

神功冀四序之常調羣蒙福蔭必使雨暘應候爰占物阜而

民安庶其寒燠咸宜共慶時和而歲稔仰

靈□□□運幸集喜光襄元化以流形俾無菑害尙饗

名宦祠祭文

維年月日某官某致祭於

官名  
全書之靈曰惟

靈文武憲邦公忠體國當

皇朝之肇造心膂攸司值

列聖之不承股肱作輔明良合德奮庸而庶績咸熙中外宣猷  
敷澤而兆民永賴洵屬廊廟之碩望允宜俎豆以明禋考  
績紀勲崇報昭垂於令典陳牲奠帛馨香祇薦於歲時尙

饗

光化縣志

卷四

祀典

十六

鄉賢祠

與名宦祠同

忠義孝弟祠祭文

維年月日某官某致祭於

忠義孝弟之靈曰惟

靈亶賦貞純躬行篤實忠誠奮發貫金石而不渝義問宣  
昭表鄉閭而共式祇事懋彝倫之大性摯莪蒿克恭念天  
顯之親情殷棣萼模楷咸推夫懿德

綸音特闡其幽光祠宇維隆歲時式祀用陳奠簋來格

几筵尙饗



節孝祠祭文

維年月日某官某致祭於

節孝之靈曰惟

靈純心皎潔令德柔嘉矢志完貞全閨中之亮節竭誠致  
敬彰闔內之芳型茹冰蘖而彌堅清操自勵奉盤匱而匪  
懈篤孝傳徽

絲綸特沛乎殊恩祠宇昭垂於令典祇循歲祀式薦奠醪尙

饗

龍神祠祭文

光化縣志

卷四

祀典

十七

維

神德洋寰海澤潤蒼生允襄水土之平經流順軌廣濟泉源  
之用膏雨及時績奏安瀾占大川之利涉功資育物欣庶  
類之蕃昌仰藉

神庥宜隆報享謹遵祀典式協良辰敬布几筵肅陳牲幣尙

饗

八蜡廟春秋二仲上戊日祭其神一曰先嗇二曰司嗇三曰  
農四曰郵表畷五曰貓虎六曰防七曰水庸八曰昆蟲廟  
在城隍廟院左側

光化縣志卷之四

壇廟

社稷壇在城南明洪武元年頒壇制建於北郊左社右稷至十一年定爲同壇合祭

國朝因之乾隆二年

勅修壇制甃磚爲之縱橫二丈五尺高二尺一寸四出陞各三級繚以周垣門北向石主一長二尺五方一尺埋於壇南正中不鐫神號又設木主二題曰縣社之神縣稷之神神祇壇在城東門外壇制同社稷明洪武二年令風雲雷雨

光化縣志

卷四

壇廟

十八

合爲一壇六年又以境內山川合之八年又以城隍合之國朝因之

先農壇祠在城內東南宣化街雍正間知縣孟琅奉文卽察院舊基建咸豐六年燬於火光緒四年知縣朱榮椿改建文昌宮左側

厲壇在城北門外

城隍廟在城內保障街明代建雍正間教諭彭際泰乾隆間知縣李飛雲兩次重修俱有碑

關帝廟爲今武廟在東門內順治四年都御史趙兆麟檄知

縣扈申忠重建乾隆間知縣李飛雲增修

又廟在城內者二一在城隍廟前一在西月城內今知縣  
鍾桐山改建西城門樓上

文昌宮在鬢學東基地共六畝舊議建宮未果先祀神位鼓  
樓上後移祀書院中同治間知縣宋熙曾查復基地繼任  
朱榮椿督修前後殿共三進左右房各六間後任李鏡心  
鍾桐山續修圍牆門柵工告成

奎星閣在文昌宮前南城上乾隆十三年知縣李飛雲建同  
治十二年署縣令林煊重修

光化縣志

卷四

壇廟

十九

五龍祠在縣西北五龍潭上禱雨多應

龍神祠在新鎮吉慶街後河岸上

蕭丞相祠在舊縣西二里明季沒於漢水

國朝康熙中知縣吳琪滋移祀於城內南門大街後邑生蕭湘  
又捐貲建祠於西門外

鄧侯祠在縣北三里

漢元儒婁壽先生祠在復文書院左與歐陽公合祀

歐陽文忠公祠舊在耿家河口後改建於城內迎暉街康熙  
十四年知縣王棕詳請改馬窟山佛寺爲公祠置田以祀

焉

明任烈女祠在縣西關乾隆間奉文重修每歲春秋二季致祭

寺觀附

福嚴寺縣城內東北隅明統志云宋建元泰定四年鐘猶存明鄴陽八景記一曰福嚴竹塢即此萬歷中知縣張官鑄大銅佛四尊小銅佛六尊大鐵佛三尊鐵羅漢二十三尊年久前後殿俱圯光緒十年□縣令吳樹南議重修積善寺縣治西北百步俗名自然寺萬歷中僧自然建運使

光化縣志

卷四

壇廟

二十

韓應嵩撰碑記

碧霞庵在縣城內西南隅乾隆甲戌重修李倣爲碑記

萊公殿城東里餘宋寇萊公知鄧州惠及鄰邑故建殿供奉因公曾官雷州司戶參軍有訛稱爲雷公殿者事詳康熙間碑記中歷年久像剝落土人不知緣起今已裝成雷部雷公像矣考古者其正之

寶林寺縣南建於唐代明萬歷中重修鄴志云右有漢水左有馬窟面列諸峯聳翠若屏後倚城市宛然舍衛里人劉宇亮撰碑記

元妙觀初名紫極觀在縣治西創自唐武德中後改今名仙人張三丰王弼朋皆修煉於此丹成飛去明末燬康熙中重修有碑記

仁威觀在縣西關明屢次重修殿中供銅真武像高丈餘碑記像鑄自安陸船載至光多人舁之不爲動忽水漲及觀門數僧捧登殿無難色神靈顯應於此可見

火星觀在仁威觀東明知縣魏以天災故創建觀中道人牛明銀年六十尸解仙去邑人韓鴻學立石紀其行

觀音寺在縣西明正德時建崇禎丙子遭寇燬於火僅存

光化縣志

卷四

壇廟

二十一

藏經閣知縣徐鼎乾倡首重修壬午冬復經劫火僧性鶴整理之邑人杜復陽撰碑記

千佛菴縣城西北三里

二真祠在舊城東門外一里韓光祜撰記

登雲寺在馬窟山頂明宏治中建

元帝廟一在雲臺山一在富鄉村

泰山廟一在舊城學署東一在城南楊林舖一在卧龍岡一

在縣東北十五里雙橋溝南今城西關廟明鄉官韓應龍重修知縣伍文輿題門額

地藏寺在縣城東茶溝

羅裏觀音寺縣東大梁河西岸劉宇亮撰碑記

文殊寺縣東三十里姚家山古刹邑令張珍齡撰碑記

乾興寺一名蕭寺宋宰相張士遜歸老有題壁詩

國朝乾隆三十五年住持募化增修邑人李正幹撰碑記

吉祥菴縣東四十餘里成化中建地名蒿堰衲僧月空初結

茅爲菴忽有寶林寺新鑄鐵佛三尊過此人不能移裝成

金像奉焉余愛撰碑記

清涼寺縣東五十里胡庄地名蒿堰隨時創建宋元重修有

光化縣志

卷四

壇廟

二十二

碑記

胡庄寺縣東六十里元至正中建屢次重修邑人俞天璽撰

碑記

石佛寺明初邑人齊興建縣東六十里萬曆中增建藏經閣

尙書陳大道撰碑記

普照寺縣東六十里元至正時建明洪武中重修在大梁河

東正統己巳增修李鳳撰碑記

雙林寺明宏治四年建前後兩殿供鐵佛二尊又名鐵佛寺

雍正二年重修有碑記

功德寺明正統中建

白蓮寺縣城南創建歲月無考乾隆三十六年知縣唐惟克  
題門額曰古刹流芳

祖師殿縣城南十八里乾隆中建李正幹撰碑記

晉公廟在縣城南鐵鎖堰口山上

羅漢寺在縣西南正殿大樑明順天府府尹陳大道率子聯

璧施今見存

伍子胥廟縣西三十里富鄉村

威烈廟在漢西祀唐均州守姚簡創建年月無考據遺鐘字

光化縣志

卷四

壇廟

二十三

係明天啟三年重修

國朝雍正三年暨咸豐二年兩次修葺俱有碑記

紅龍廟固封山前係保洲菴故址改建明天啟四年重修保

洲菴碑猶存

玉皇廟在漢西卧牛山嘴建自唐代明季燬乾隆五十九年

武舉魏光典縣丞常源清歲貢王必新倡首重修嘉慶初

白蓮教匪叛工未半而止道光十八年歲貢生王克勤始

商同鄉人捐貲成之萬历年鐵磬現存廟中

太極觀在□可洲

萬善寺在五龍洲尖角上宏治中建

靈伽寺一名萬壽觀俗名龍角寺在縣西五十五里明隆慶六年建乾隆初棟宇傾圯道人率受戒牛一虎一募化重修咸豐間兩次增修寺三面皆山門迎漢水樹木陰翳中石獅對立每歲春禱祀者往來如織

古廟縣西北白水峪山上

圓覺寺縣西北山中唐僧眞濟卓錫處後僧慧山泰母偕隱於此重修焉丁光先撰碑記

老佛寺在任旺溝東

光化縣志

卷四

壇廟

二十四

龍興寺縣北四十里明永樂中建雍正初重修教諭彭際泰撰碑記

月燈寺縣東北三十里元至正中建

龍泉寺縣東北三十里蒿堰古刹明洪武中重建隆慶間增

修知縣廖希夔撰碑記

上火星廟在二眞祠右側

東嶽廟在明舊城西

上楊泗廟在明舊城中

西蜀公所王家營北



城隍廟吉慶街西嘉慶六年隨土堡修前供城隍後祀龍神  
財神廟舊址在吉慶街迤南今移建廟右地勢較前宏敞  
河南會館吉慶街南  
四官殿在兩儀街東  
三義廟在三義街西  
萬壽宮譚家街北  
撫州會館正南街東  
福建會館新盛街東

光化縣志

卷四

壇廟

二十五

懷慶會館新盛街東

蓮溪書院新盛街東

三閭書院新盛街東

山西會館新盛街東

中火星廟新盛街西通鎮議公胥集於此

齊安書院長盛街東咸豐六年燬同治年間重修

二多菴在丁字街南

楊泗將軍廟伍佛街南咸豐八年重修

天漢書院伍佛街南咸豐八年燬現重修

陝西會館臨江門內迤北

下火星廟伍佛街外

關帝廟伍佛街外

翔鶴樓通濟門上

玉皇閣溥甯門上

三皇閣恩湛門上

光化縣志

卷四

壇廟

二十六

壇廟補遺

禹王廟縣治西三里本祀夏禹王故名禹王廟前明嘉靖末邑有鄧生某謂其先人鄧禹曾封鄼侯後人因爲之建廟而冠用冕旒未免使吾先人不安時學憲校士鄖郡於此經過遂具呈上之學憲學憲不察飭令改塑侯貌時蔡孝子玉在廟中教讀力阻之乃另塑其像於左併塑蔡孝子以爲話柄今廟中蔡孝子像尚存而所謂禹王像者則杳不可復覩矣

右志已載及特未詳加考核故補載於此

光化縣志

卷四 壇廟

又二十六

清真寺在兩儀門外

萬善寺在新鎮通濟門內

國朝創修道光十八年重修

桐柏廟在溥甯門外廟左陳姓創修

關帝廟縣西三十里傅家寨明正德五年建名關王殿古

鐘尚存

國朝雍正十三年重修改爲關帝廟道光十二年漢水溢廟坍塌殆盡移神像於後二里許里人常翼修撰碑誌其巔末甚悉

光化縣志卷之四

陵墓

周陰大夫管修墓在縣西楚下陰城東門外

周楚大夫伍舉墓在縣西富鄉村

後漢徵士李昷墓在縣西古鄖城外建光元年公車徵不行  
卒於家葬此

南陽處士婁壽墓在縣東南十八里有熹平中碑題曰元儒  
婁先生碑宋乾德令歐陽修常率諸生拜之

生墳在古陰縣東魏陰令濟南劉熹字德怡雅好博古學教

光化縣志

卷四

陵墓

二十七

立碑載生徒百有餘人不終業而夭者因葬其地號曰生

墳

水經注

按金石集古錄魏劉熹學生冢碑跋尾云右漢劉熹學  
生冢碑在襄陽穀城縣界中余令乾德時嘗以公事過  
穀城見數荒冢在草間傍有古碑傾側半埋土中間其  
村人爲何人冢皆不能道而碑文摩滅不暇讀而去後  
數年在河北始集錄古文思向所見穀城碑疑爲漢碑  
求之又數年乃獲按襄州圖經云魏濟南劉熹字德怡  
博學好古立碑載生徒百餘人其不終業而卒若葬於

此號學生冢今碑雖殘缺而熹與生徒名字尙可見蓋  
余昔所見學生冢而碑魏時碑也熹穀城令也治平元  
年正月十日書據此知生墳葬地至宋已屬穀城後漢  
時則猶是陰縣所屬地也查穀城志陵墓門未採入故  
載之

宋宰相張士遜墓在縣西北紅崖 仁宗篆其額曰舊德  
之碑

知光化軍李仲芳墓在遵教鄉友于村歐陽修撰墓表  
知永春縣歐慶墓在廣節山之原歐陽修撰墓表

光化縣志

卷四

陵墓

二十八

元湖廣行省參知政事張良弼墓在杏兒山

隱士薛簡墓在西山

明特贈光祿大夫柱國少保吏部尙書兼華蓋殿大學士李

寬甫墓縣東鄉觀音寺左特贈一品夫人李母墓附按鄧

州志寬甫李賢曾祖

戶部尙書陳大道墓在縣城西里許東門外有神道碑

戶部主事韓珊墓在縣北內鄉翰林李蓂撰墓表

光祿大夫韓應嵩墓在縣北朱家井前有神道碑

戶部侍郎韓光祜墓在縣北朱家井前有神道碑

舉人余愛墓在城西

舉人張應科墓在城西

教諭邊實墓在登雲山

封邱縣知縣簡時登墓在西鄉青龍溝

孝子魏冕墓在明廢城中

國朝順德知府殷作霖墓在殷家樓東

中城兵馬司熊占吉墓在東鄉

寶應主簿袁坦墓在城東北

滕縣知縣李含蕊墓在城西

光化縣志

卷四

陵墓

二十九

江陵訓導李之苾墓在城南十五里

嘉魚訓導袁窳墓在北鄉

文林卽舒安墓在登雲山北有碑

竹山訓導龍蘊驪墓在獅子岡

枝江教諭杜復陽墓在西鄉

歲薦杜湖墓在新鎮南

易州吏目張錕墓在城東

都司余世忠墓在雲臺山下

昌平州知州舒鴻儒墓在羅漢寺前

長沙府同知蔡如杞墓在新鎮南

祀昭忠祠都司鄭永泰墓在鄭家壩

孝廉方正李清泰墓在南鄉

選貢徐克昌墓在三尖山

附

五座墳在縣治南鄉高大如邱陵土人耕於其側時得古銅

爐鼎惜無碑可考不知為何代人冢

古墳在縣南東山均道光十七年雨後羣牧見其處黑水湧

出掘之多烏木木下鐘鼎數具爭持不已白諸官官往勘

光化縣志

卷四 陵墓

三十

見朱棺一前和已朽敝內存盃冑寶劍命封之

義塚 附

新鎮文治門外地三段共十五畝餘乾隆十八年監生焦燧捐

新鎮溥甯門內東偏地二十畝乾隆三十九年簡策捐

又溥甯門內東偏地十畝嘉慶十年簡集聖捐

又符家凹地十五畝嘉慶十年簡集聖捐

又符家凹地十六畝道光十年簡繼賢捐

新鎮灃注門外三里橋地五畝道光十八年簡繼賢捐

馬窟山塔南地四畝同治二年飛雲同弟文郁捐

巨興集南涂家凹地十畝餘 梁永耀捐

劉家岡東地三畝 劉峻捐

縣城南門外里許地一段 武生蘇行颺捐

武生蘇行颺捐



義塚補遺

縣東二十五里許家樓地五畝許士坤捐

縣南十五里楊林舖西地十二畝武舉王德洋捐

新鎮文治門外地四段六畝同治二年增生焦作述捐

又馬窟山西羅家樓前地二段四畝餘焦作述捐

富鄉村地三畝武進士常奎基道光十六年捐